

FEDERALNO MINISTARSTVO PRAVDE

307

Na temelju članka 39. stavak 2. Zakona o vještacima ("Službene novine Federacije BiH", br. 49/05 i 38/08), po zahtjevu Društvo za vještačenja i procjenjivanja "VJEŠTAK" d.o.o., federalni ministar pravde donosi

RJEŠENJE

O IZMJENI RJEŠENJA BROJ 09-49-2016/11 OD 06.07.2011. GODINE

U dispozitivu rješenja broj 09-49-2016/11 od 06.07.2011. godine riječi: "**Društvo za vještačenje "VJEŠTAK" d.o.o. Mostar**" zamjenjuju se riječima: "**Društvo za vještačenja i procjenjivanja "VJEŠTAK" d.o.o.**".

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 02-49-379/18
02. ožujka/marta 2018. godine
Sarajevo

Ministar
Mato Jozić, v. r.

UDRUŽENJE POSLODAVACA FEDERACIJE BOSNE I HERCEGOVINE

308

Na osnovu člana 31. Prečišćenog teksta Statuta Udruženja poslodavaca FBiH, a u vezi sa članom 141. Zakona o radu ("Službene novine Federacije BiH", broj 26/16), člana 26. stav 1. alineja 3. Opšteg kolektivnog ugovora za teritoriju FBiH ("Službene novine Federacije BiH", broj 48/16 i 62/16), Upravni odbor UPFBiH, na svojoj XII sjednici održanoj 28.02.2018. godine u Sarajevu, donosi sljedeću

ODLUKU

O RASKIDU OPŠTEG KOLEKTIVNOG UGOVORA ZA TERITORIJU FEDERACIJE BiH ("Službene novine Federacije BiH", broj 48/16 i 62/16)

I.

Raskida se Opšti kolektivni ugovor za teritoriju Federacije Bosne i Hercegovine zaključen dana 10.02.2016. godine ("Službene novine Federacije BiH", broj 48/16 i 62/16).

II.

Ova odluka stupa na snagu danom donošenja i objavit će se u "Službenim novinama Federacije BiH".

Broj I-044/18
28. februara/veljače 2018. godine
Sarajevo

Predsjednik
Upravnog odbora
Adnan Smilbegović, s. r.
(SI-258/18-F)

KONKURENCIJSKO VIJEĆE/SAVJET BOSNE I HERCEGOVINE

309

Konkurencijsko vijeće Bosne i Hercegovine je, na osnovu člana 25. stav (1) i člana 42. stav (2), a u vezi s članom 14. stav (1) Zakona o konkurenciji ("Službeni glasnik BiH", br. 48/05, 76/07 i 80/09), a rješavajući po Prijavi namjere koncentracije privrednog subjekta Messer Belgium N.V, Haven 1053, Nieuwe Weg br. 1, 2070 Zvijndreht, Kraljevina Belgija, podnesenoj putem punomoćnika, advokata Nikole B. Poznanovića iz Beograda, Vladimira Popovića 6, Beograd, Republika Srbija, zaprimljenoj dana 11.12.2017. godine pod brojem: UP-04-26-1-39-1/17, na 17. (sedamnaestoj) sjednici održanoj dana 31. januara 2018. godine, donijelo

ZAKLJUČAK¹

- Odbacuje se Prijava koncentracije privrednog subjekta Messer Belgium N.V, Haven 1053, Nieuwe Weg br. 1, 2070 Zvijndreht, Kraljevina Belgija, radi nepostojanja obaveze prijave koncentracije, u smislu člana 14. stav (1) Zakona o konkurenciji.
- Ovaj Zaključak bit će objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

Obrazloženje

Konkurencijsko vijeće je zaprimilo, dana 11.12.2017. godine pod brojem: UP-04-26-1-039-1/17, Prijavu koncentracije (u daljem tekstu: Prijava) privrednog subjekta Messer Belgium N.V, Haven 1053, Nieuwe Weg br. 1, 2070 Zvijndreht, Kraljevina Belgija (u daljem tekstu: Podnosilac prijave ili Messer N.V), podnesenu putem punomoćnika, advokata Nikole B. Poznanovića iz Beograda, Vladimira Popovića 6, Beograd, Republika Srbija, prema kojoj će Podnosilac prijave sprovesti transakciju, posredno i neposredno (preko svog 100% zavisnog društva, privrednog subjekta Messer Romania Gaz SRL, Delea Veche br. 24, 024102 Bukurešt, Rumunija), sticanjem 100% vlasničkog udjela društva Buse Gaz SRL, Drumul Intre Tarlale br. 102-112, Bukurešt, Rumunija (Buse Gaz SRL ili ciljano društvo), u smislu člana 12. stav (1) tačka b) Zakona o konkurenciji (u daljem tekstu: Zakon).

Podnosilac prijave je samoinicijativno dostavio dopunu Prijave, dana 27.12.2017. godine, pod brojem: UP-04-26-1-039-2/17, dostavljajući podatke koji se odnose na naprijed navedeno Ciljano društvo.

Prijava koncentracije je podnesena u zakonom propisanom roku, u smislu člana 16. stav (1) Zakona.

Nakon kompletiranja Prijave, Konkurencijsko vijeće je dana 30.01.2018. godine Podnosiocu prijave izdalo Potvrdu broj: UP-04-26-1-039-3/17 o prijemu uredne i kompletne prijave, u smislu člana 30. stav (3) Zakona.

1. Učesnici predmetne koncentracije

Učesnici predmetne koncentracije su privredni subjekt Messer Belgium N.V, Haven 1053, Nieuwe Weg br. 1, 2070 Zvijndreht, Kraljevina Belgija, privredni subjekt Messer Romania Gaz SRL, Delea Veche br. 24, 024102 Bukurešt, Rumunija i privredni subjekt Buse Gaz SRL, Drumul Intre Tarlale br. 102-112, Bukurešt, Rumunija (Ciljano društvo).

1.1. Privredni subjekt Messer Belgium N.V, Haven 1053, Nieuwe Weg br. 1, 2040 Zvijndreht, Kraljevina Belgija

Privredni subjekt Messer Belgium N.V, Haven 1053, Nieuwe Weg br. 1, 2070 Zvijndreht, Kraljevina Belgija, je osnovano u Republici Belgiji, kao javno društvo sa ograničenom odgovornošću, pod matičnim brojem: 0402.166.453.

Privredni subjekt Messer Belgium N.V je član Messer grupe, čije je matično društvo Messer Group GmbH.

Djelatnost privrednog subjekta Messer Belgium N.V je proizvodnja i prodaja tehničkih, specijalnih i medicinskih gasova na teritoriji Republike Belgije.

Messer grupa je globalni proizvođač i distributer industrijskih, medicinskih i specijalnih gasova, te proizvodi i snabdijeva klijente kiseonikom, azotom, argonom, ugljen – dioksidom, vodikom, helijumom, inertnim gasovima za zavarivanje, specijalnim gasovima, gasovima za medicinsku upotrebu i širokim spektrom gasnih smiješa. Proizvodi Messer grupe imaju široku primjenu u čeličnoj i metalnoj, hemijskoj, prehrambenoj, farmaceutskoj, automobilskoj, elektronskoj industriji, medicini, istraživanju i u tehnologijama za zaštitu životne sredine.

¹ Zaključak objavljen u "Službenom glasniku BiH", broj 15/18